



E PLUMA DI CARNAVAL

Awe Diahuebs awor tin eleccion di reina y princesita di Sint Paulus School



BOVENBOUW

4a Raisheline Evertsz
5a Naydjedja Pieter
5b Xianedy Quandt

6a Tishanti Bijlhout

6b Jatania Alexander
For di awor exito na tur e participantenan.

Historia di carnaval di Aruba ta kirbi caba

Parti 2

Calypsy y roadmarch

Despues di dos guerra mundial a bin hopi cambio. Mas tanto esnan cu tawata traha na e compania petrolero Lago, por a haya disconan cu nan por a toca. Entre otro tawatin e disco "Brown skin girl" cu tawata un calypso. Lago tawata invita cantante di calypso pa Aruba y na 1946 a invita un e promenan cu ta e Trinitario, Sir Lancelot Pinard. E a duna presentacion na San Nicolas y na Oranjestad.

Calypsy a origina na Trinidad medio 1800, y ta folklore di Trinidad. E aspectonan socio-economico, cultural, educativo cu tawata hunga un rol den e vida di e catibonan a forma calypso. E aspectonan ey, no a tuma lugá riba e suela di Aruba, consecutivamente, calypso no ta folklore, ni por bira folklore di Aruba. Na 1912 a graba e prome disco di calypso cu ta e cantica "Mango Vert". Despues calypso a wordo exportá pa e otro islanan di Caribe y Venezuela.

Trinidad tawata celebra carnaval como fiesta di club y na fin di siglo 18 carnaval a bira fiesta di masa. Trinidad fin mas tempo cu e otro islanan cu carnaval di mas.

Na 1955 Padu Lampe (1920 - 1919) y Rufo Wever (1917 - 1977) a compone e prome calypso, cu tawata na Papiamentu "Carnaval". Si scucha e cantica aki bon, por haya e historia di carnaval pa Aruba. Mayoría di e otro cantantenan di habla ingles di calypso, a nace despues di 1930.

Calypsy a yega Aruba pa medio di disco y presentacionnan ocasionel cu refineria Lago tawata organisa. Lago a bini establece su mes na Aruba prome y despues na San Nicolas. Tur musica cu a drenta Aruba pa medianan di audio, esta radio, y lof audio visual, esta cine y despues television, no ta folklore di Aruba paso e historia cu a forma e folklorenan aki, no a pasa riba suela di Aruba. Esaki ta conta pa musica Mexicano, merengue Dominicano, cumbia Colombiano, gaita y aguinaldo Venezolano.

Calypsy no por ta folklore di Aruba y mucho menos por purba di inventa "calypso criyivo".

A uza calypso den carnaval pa fundraise. Na 1964 a cumenza cu e prome competencia di calypso. Na 1968 a saca di e mes competencia di calypso e mihó roadmarch. Young Quik Silver a gana e competencia di calypso y Stringer Ray a gana cu e calypso "Burning she Momo" e prome roadmarch. E nombernan di Young Quik Silver y di Stringer Ray no ta e nombernan original di e persona. Trinidad ta uza e forma di cambio di nomber pa canta calypso. Aruba a copia. Poco poco, Aruba a bira un copia casi total di Carnaval di Trinidad.

Na 1969 Young Quik Silver a bira rey di calypso y Stringer Ray a gana e titulo di roadmarch, cu e calypso "She Panam Panam" y despues a separa e dos competencianan aki for di otro. Na Trinidad e cantantenan tawatin miedo cu nan lo perde calypso cu e popularidad di reague, pesey nan a introduci "soaca". E introduccion aki no tin nada di haber cu desaroyo di roadmarch na Aruba. Ta inaceptabel cu Aruba ta bolbe copia algo, totalmente los di su historia. Tawatin un tempo cu no ta bali e roadmarch den carnaval, sino e canticanan cu tawata popular pa carnaval. Na Aruba a dicidi, cu si no ta e roadmarch den parada, e banda no por sali banda di aña. Cu e decision aki, casi den henter e parada ta toca roadmarch y un par di cantica mas, te cu awe. Na Aruba "roadmarch" a desaroya otro, paso su historia ta otro y mester respecta esaki. Ta tristo cu esnan cu ta copia historia di Trinidad no ta ni organista di Trinidad.

Relato skirbi pa Celis Thiel, sociologa
2 di februari 2020

== Diabierna awor lo bay tin un tremendo eleccion di reina y princesita na St. Paulus School. E eleccion ta poni pa cumenza di 6'or di atardi pa 9'or di anochi na St. Paulus School mes. Lo bay tin presentacion di Easy Z, Queen Yvy, Sonic Boom, Queen B, Shocking Vibes, Queen Glandra, Wuk up Star y tumberito Georvin Angela. E candidatanan cu lo participa ta:

ONDERBOUW

- 1a Richella Robles de Medina
1b Zahira Mohamed
2a Tajeja Brown
2b Shiyah Mohamed
3a Angelina Canegijeter
3b Amylaine Wong



PROMOCION DI CARNAVAL ARUBA ALOE STRAW HATS

Awg. 27,00
(Normalmente: Awg. 37,65)

Valido te cu dia 24 di Februari 2020 na tur nos tiendanan di Aruba Aloe cu excepcion di esun na aeropuerto.
Please muestra un ID local.

